

nyantshi; ako Chunkyo Rsofitinyoo kwutsuttrikwinji ha kwikit vih zit tetinyaei, ako tsut nit yinyi kit sheg yitinezhya, ako nit nutinde kit kwutendei; Zyeu kug ozi kwilyei vunttlukwichili; akotouchinyoo rsyekwunde dei ako kwichile zit nizhook kwutendei; nichanttei yit tsutkwilheinut tutthug zugtuntahya ako koh tugtuntechya; ako koochid, tzut trookwunde kootle, rsikoonchyo ako tseyinkwichanchyo kwutattha kwilyin kwitethli kitettiya; Jesus Kreist nyiwhet Kekwadhut kirkhe. *Amen.*

Kuttrookwadhut tshid zzehkko enjit Gichinchik.

THLANCHI ha Nichinttei Vittekwichanchyo, kwirzi tigwittiyin tutthug etteilei, khuzugtigwidichyo ha nit tsut zyunititshik Albert Edward Wales Kekwadhut tshid, Wales kwiyeut tshid, ako kuttrookwadhut tshid zzehkko kwirzi koh tsut tinitiyin: Nyunkyo Rsofitinyoo koh nittlunili; zyeu kug nit chekoorzi ha koh zit tetinyaei; tseyinkwichanchyo tutthug koh nittlunkwichili; ako sheg nit kookekwadhut kwu tsut nekohnili; Jesus Kreist nyiwhet Kekwadhut kirkhe. *Amen.*

Ministernut ako tinjhnut enjit Gichinchik.

THLANCHI ha Nichinttei ako sheg Vittekwichanchyo, nun rzi kekwiyn kwichintsi kwittritungwayin: Nyiwhot Khnotahyinnut ako Kunahtyinnut, ako Thlelchilnut tutthug koh kwikenahyti tsut kwunttlutrantsi, nit chekoorzi Nikyo rsyehkwahnde dei koh kko tichashit; ako thlih ha sso nit tsun gutahtsya kenjit, nit kwirzi tigwittiyin kiitsiktidha sheg koh kko nechinja. Kekwadhut Vittekwichanchyo, akotunniwhoh chinyoo, nyiwhot Kwitutsutgikhyi ako Nikunyoo, Jesus Kreist vit yinjkwichile kirkhe. *Amen.*

Krisostom rsofitinyoo vit Gichinchik.

THLANCHI ha Nichinttei Vittekwichanchyo, nun kwutsuttrikwinji nyiwhonttlukwichiei choog ehtlog kwiynji ha nyiwhot nikha zyunotutukthut nit tsut